

Skýrsla um starfið í borgarstjórn frá 17. maí 1984 til 20. feb. 1986.

Eins og ég gat um í skýrslu frá 29. maí 1984 þá eru í rauninni allar fundargerðir nefnda og rāða á dagskrá borgarstjórnar, sumar beint en aðrar óbeint þar sem þær eru bókaðar inn í fundargerð borgarráðs. Hægt er að taka hvaða mál sem er upp á fundum borgarstjórnar svo framarelega sem það á sér einhvers staðar stoð í fundargerð. Að auki er svo hægt að leggja fram sjálfstæðar tillögur og fyrirspurnir sem þurfa þá að berast skrifstofu borgarstjórnar í síðasta lagi mánudaginn fyrir fund. Öll mál sem um er ágreiningur í borgarráði koma sjálfkrafa til afgreiðslu borgarstjórnar. Af þessum sökum sé ég ekki ástæðu til að gera sérstaka skýrslu um borgarráð. Rétt er þó að taka fram að á tímabilinu 1. júní '84 til 1. júní '85 sat Guðrún í borgarráði sem fullgildur aðili en þá urðu skipti og ég fór inn sem áhreynnarfulltrúi og sit til vorsins. Þar sem ég hef ekki atkvæðisrétt í borgarráði get ég ekki gert ágreining um mál þar og þ.a.l. tökum við stundum upp mál í borgarstjórn sem aðrir í borgarráði eru sáttir við.

A því tímabili sem hér um ræðir (alls 29 fundir) fluttum við 56 tillögur í borgarstjórn þar af 10 þegar stjórnkerfi borgarinnar var í endurskoðun. Að auki fluttum við svo 53 tillögur við gerð fjárhagsáætlunar fyrir árið 1985 og 61 við gerð fjárhagsáætlunar fyrir árið 1986. Bókanir um afstöðu voru ca. 54 og einnig lögðum við fram nokkrar fyrirspurnir.

Lokið 12. mars 1986
Ingibjörg Sólrún Gísladóttir.

Helstu tillögur og bókanir á fundum borgarstjórnar.

17. maí Tillaga með Alþýðubandalagi og Frámsókn þar sem lagt er til að breytingar á yfirstjórn fræðslumála í borginni verði vísað frá þar sem ýmis framkvæmdaatriði séu óljós og lagaleg staða breytinganna hæpin. Tillaga fékk 8 atkv. og ekki stuðning. Bókun þar sem mótmælt er þeim vinnubrögðum og baldhroka sem einkennt hafa afgreiðslu þessa máls. Mótmælt aðför að fræðslustjóranum sem er í takt við endurteknar atlögur að þeim fáu konum sem komist hafa til æðri embætta hjá borginni. Bókun þar sem mótmælt er fækkun fulltrúa í útgerðarráði þar sem þar skerði enn frekar möguleika minnihlutans til þess að fylgjast með og hafa .krif á gang mála. Bókun vegna útboðs á Stigahlíðarlóðunum þar sem við mótmæltum

á skipulagsforsendum þ.e. töldum að þarna væri verið að skipuleggja einlita byggð einbýlishúsa fyrir efnafólk.

Tillaga um að fresta því að breyta landnotkun á lóð Hamars-hússins úr hafnarsvæði í fíbúðarsvæði þar til fyrir lægi afstaða borgarstjórnar til framtíðarlegu Geirsgötu sem sambkvæmt aðalskipulagi liggur yfir fyrirhugað útivistarsvæði hússins. Hlaut 7 atkv., ekki stuðning.

Tillaga um að ekki verði heimilt að taka gjald fyrir afnot af leiktækjum á vegum æskulýðsráðs. Hlaut 6 atkv, ekki stuðning.

Tillaga um að fela borgarráði að athuga hvort ekki sé unnt að skylda eigendur leiktækja til að koma fyrir í þeim innsigluðum teljurum þannig að tekjur af þeim skili sér í opinberum gjöldum. Hlaut 9 atkv., ekki stuðning.

21. júní Tillaga um að borgarstjórn láti fara fram hugmyndasamkeppni um nýtt skipulag í göngugötu Austurstrætis. Hlaut 9 atkv., og ekki stuðning.

5. júlí Bókun þar sem við mótmælum harðlega að borgarstjóri skuli neita að leggja fram í borgarráði afrit af þeim samningum sem gerðir voru við kaupendur lóða í Stigahlíðinni. Töldum að borgarstjóri væri að ganga á rétt borgarfulltrúa til að kynna sín skjöl borgarinnar.

Bókun þar sem vinnubrögð borgarstjóra í máli Magnúsar Skarphéðinsonar vagnstjóra voru fordæmd. Borgarstjóri lagði fram skýrslu, um meintar ávirðingar M.S. í starfi, sem trúnaðarmál í borgarráði og neitaði Magnúsi um eintak. Var hann þar með sviptur þeim rétti að svara fyrir sig.

Tillaga um að hafna nýju fyrirkomulagi ræstinga á Borgarspítala og skipa nefnd, sem í eigi sæti fulltrúi ræstingakvenna, til að endurskoða málið. 9 atkv., ekki stuðning.

Bókun þar sem við mótmælum þeirri hagræðingu á Borgarspítala sem beinist gegn lægstlaunaða starfsfólki spítalans, Sóknarstúlkum. Hagræðingin hafði í för með sér 17.45 stöðugilda fækkun og kjara-skærðingu vegna fækkaðra álagsvinnutíma.

Breytingatillögur við samþykkt um hundahald þannig að kveðið væri skýrt á um hvar ekki mætti vera með hunda. Samþykkt með 14 atkv.

Tillaga um að frá og með 1. júlí 184 verði starfstími kvenna við ólaunuð heimilisstörf metinn til launa sem starfsreynsla. Efnilega samhljóða tillögu frá því í nóv. 182 sem vísað var til Jafn-

réttisnefndar en kom þaðan aldrei aftur. Samþ. með 11 atkv. gegn 7 að vísa tillöggunni til launamálanefndar til meðferðar við gerð kjarasamninga (við á móti).

20. sept. Tillaga um að deiliskipulagstillaga að Skuggahverfi skuli unnin í samráði við íbúasamtök hverfisins en ekki bara eigendur lóða í hverfinu. 9 atkv., ekki stuðning.

Bókun þar sem mótmælt er þeim vinnubrögðum að ráða í stöðu forstöðumanns Arbæjarsafns (til eins árs) án þess að gefa starfsmönnum kost á að sækja um starfið.

Tillaga. I beinu framhaldi af bókuninni fluttum við tillögu um að eftirleiðis yrðu afleysingastöður auqlýstar a.m.k. innan stofnunar. Vísað til borgarráðs og þaðan til stjórnkerfisnefndar og ég man ekki hvaða afgreiðslu hún fékk þar.

Bókun. Mómæltum áætlunum meirihlutans í stjórn sjúkrastofnana að koma upp þvagfæraskurðlækningadeild í B-álmu borgarspítalans. B-álman er byggð fyrir fé úr Framkvæmdasjóði aldraðara og ætluð til vistunar fyrir aldrða en ekki til almennrar læknispjónustu. Ef ég man rétt þá gekk þetta mál til baka.

Tillaga um að greiða öllum starfsmönnum horgarinnar 3% launahækku frá 1. sept. í samræmi við kjarasamninga en launaliðir þeirra voru lausir. Vísað frá.

Bókun þar sem við mótmæltum óbilgirni meirihlutans í launamálunum og bentum á að rekstrarrafkoma borgarsjóðs væri mjög góð vegna kjaraskerðinga ríkisvaldsins.

Tillaga um að við gerð næstu fjárhagsáætlunar verði varið fjárhæð sem nægi til að byggja eða kaupa 50 leiguþúðir. Verði ákvæði nýrra laga um Húsnæðisstofnun nýtt til lánsfjármögnumnar. Vísað til borgarráðs og þaðan til meðferðar við gerð fjárhagsáætlunar og fékk ekki stuðning þá.

18. okt. Bókun þar sem við færum rök fyrir hjásetu okkar varðandi breytta notkun Aðalstrætis 10 (Fógetinn). Töldum þessar framkvæmdir geta seinkað því að húsið yrði endurbyggt í samræmi við B-friðun.

Tillaga um að fresta landnotkunarbreytingu á Sigtúnsreit og jafnframt verði gerð sú breyting á landnotkunartillöggunni að á tveimur tilteknum verði aðeins heimiluð starfsemi sem samrýmist grænu yfirbragði reitsins. Frestun samþykkt en ekkert breyttist þó við síðari afgreiðslu málsins.

Bókun þar sem við mótmæltum vinnubrögðum borgarstjóra og forseta borgarstjórnar við samningsgerð við Starfsmannafélagið í nýgerðum aðalkjarasamningum. Sömdu án þess að kalla launamálanefndina saman.

4. okt. Bókun með hinum borgarfulltrúum minnihlutans þar sem því er mótmælt að gengið var framhjá Heimi Bjarnasyni aðstoðarborgarlækni við ráðningu í starf borgarlæknis í forföllum Skúla.
1. nóv. Tillaga um Sigtúnsreit frá 18. okt. flutt aftur. 8 atkv., ekki stuðn.
- Bókun þar sem þessari afgreiðslu er mótmælt þar sem engin haldbær rök hafi komið fram. Jafnframt dregið í efa að lögformlega hafi verið að málum staðið.
- Bókun þar sem við bendum á að þrátt fyrir að í nýgerðum kjara-samningum við opinbera starfsmenn hafi ekki náðst fram þær kjara-betur sem réttlátar eru, þá sjáum við okkur ekki annað fært en samþykja samninginn.
15. nóv. Tillaga um að borgarstjórn verji 4% af áætluðum útsvarstekjum ársins '85 til byggingar dagvistarstofnana. Samþ. með 10:8 að vísa tillögunni til borgarráðs (við á móti) og þaðan fór hún til fjárhagsáætlunar og fekk ekki stuðning.
6. des. Tillaga ásamt öðrum konum úr minnihlutanum þar sem borgarstjórn mótmælir harðlega niðurskurði til byggingar dagvistarheimila í frumvarpi að fjárlögum '85. Tillagan var tekin upp af öllum borgarstjórnarflokkunum að því viðbættu að bent var á að aðeins 18% af fjárveitingu ríkisins á árinu '84 kom í hlut borgarinnar. Samþ. með 21 atkv.
- Tillaga um að a) stofna nýtt ráð, kvennaráð og b) tryggja íbúa- og hverfasamtökum aðgang að stjórn borgarinnar. Þessar tillögur voru í samræmi við 2 af tillögum okkar í stjórnkerfisnefnd.
- Vísað til síðari umræðu sem var 20. des en þá hlutu þær aðeins 2 atkv.
- Bókun þar sem mótmælt er niðurskurði til bókakaupa sem m.a. kemur hart niður á Gerðubergssafninu.
- Bókun vegna sölu á togaranum Bjarna Ben. þar sem við lýsum þeirri skoðun okkar að miðað við ástand og horfur í útgerðarmálum BÚR sé forsvaranlegt að selja þennan togara enda hafði hann ekki stundað veiðar hjá fyrirtækinu þetta árið. Hins vegar var ítrekað að Kv.fr. myndi í framtíðinni snúast gegn öllum samdrætti hjá fyrirtækinu sem stefndi atvinnu fólks í hættu.
- Tillaga um að tiltekið skipulagsmál sem snerti Túngötu 6 yrði kynnt íbúum nærliggjandi húsa. Fékk 9 atkv., ekki stuðn.

20. des. Tillaga um að fasteignagjöld yrðu 0.5% í stað 0.421% af fasteignamati. Var tillagan rökstudd með því að þetta væri réttlátari skattlagning en hækjun þjónustugjalda sem er leið meirihlutans. Tillögu okkar vísað frá með 12 atkv. gegn 2.

Bókun þar sem mótmælt var fyrirhugaðri hækjun á fargjöldum SVR á þeirri forsendu að kjarabætur af nýgerðum kjarasamningum væru horfnar vegna aðgerða ríkisstjórnarinnar auk þess kæmi hækjunin harðast niður á konum, börnum og öldruðum.

Bókun þar sem því er mótmælt að það skuli vera árviss atburður að segja starfsfólk BÚR upp í lok des.

Tillaga í 10 liðum um breytt stjórnkerfi borgarinnar. Enginn þeirra náði fram að ganga.

Tillaga um að vísa tillögum um stjórnkerfið til þeirra ráða og nefnda sem fá breytt verksvið samkvæmt tillögum meirihlutans, þar sem það séu eðlileg og lýðræðisleg vinnubrögð. 6 atkv., ekki stuðning.

Bókun þar sem mótmælt er þeim breytingum á stjórnkerfinu sem meirihlutinn stóð að þar sem margar þeirra stuðli beinlínis að aukinni valdasöfnun á fárra hendur og fámmennsstjórnar.

3. jan. 1985 Bókun gegn 20% hækjun dagvistargjalda á sömu forsendum og gefnar voru gegn hækjun á fargjaldi SVR þann 20. des.

Fyrirspurn þar sem spurt var hvað liði framkvæmdum við að koma upp hríenlætisaðstöðu fyrir fólk með smábörn í miðbæ Reykjavíkur en tillaga frá okkur þess efnis var samþykkt 10. nóv. '83. Í ljós kom að engar framkvæmdir voru hafnar.

17. jan. Tillaga þess efnis að þeir borgarbúar (ellilífeyrisþegar) sem njóta óskertrar tekjutryggingar verði undanþegnir greiðslu á fastagjaldi til Rafmagnsveitunnar. Jafnframt verði notendum rafmagns kynnt rækilega hvað breyting úr lágmarksgjaldi í fastagjald felur í sér. Vísað til stjórnar veitustofnana sem gerði ekkert í málínu (?).

Bókun þar sem við mótmæltum breytingunni á taxta Rafmagnsveitunnar þar sem hún kæmi harðast niður á minnstu notendum og tillaga okkar um að mæta þessu á annan hátt fékkst ekki afgreidd (sbr. tillöguna hér á undan).

7. feb. Bókun gegn sölu á Ingólfí Arnarsyni þar sem sala á 2 togurum með stuttu millibili hljóti að leiða til samdráttar í rekstri BÚR.

Tillögur og bókun vegna fjárhagsáætlunar fyrir árið 1985.

Alls voru tillögurnar 53 þæði til hækunar og lækkunar á einstökum liðum. Tillögurnar er allar að finna í fundargerð borgarráðs frá 5. feb. 1985.

Bókunin beindist gegn fjármálastefnu meiri hlutans sem félst í því að nota beina og óbeina skattheimtu til að rétta borgarsjóð við. Bentum á að okkar tillögur gengju út á það að bæta félagslega þjónustu og halda þjónustugjöldum niðri.+

21. feb. Bókun þar sem við töldum formgalla á þeirri samþykkt skipulagsnefndar að leyfa nýbyggingu að Suðurgötu 7 auk þess sem við vorum andvígur byggingunni vegna of hárrar nýtingar.

Tillaga um að tekjum af stöðumælasjóði mætti einungis verja til að bæta öryggi gangandi vegfarenda. Vísað til umferðarnefndar.

Bókun vegna Meðferðarheimilisins að Kleifarvegi þar sem við töldum það·orka tvímælis að færa það frá fræðsluráði og setja það undir stjórn sjúkrastofnana.

7. mars Bókun með öðrum úr minnihlutanum þar sem því var mótmælt að borgin legði áfengisvarnardeild undir SAA

Bókun þar sem við tókum afstöðu gegn því að stofnun fólksvangs í Elliðaárdal yrði frestað.

21. mars Bókun þar sem því er mótmælt að byggingarnefnd heimili nýbyggingu að Bragagötu 25 án þess að skipulagsnefnd sé höfð með í ráðum þar sem ekkert deiliskipulag sé til.

Tillaga um að við skipulag nýrra hverfa verði gert ráð fyrir lóðum undir lítill einbýlishús sem þ.a.l. greiði lægri gatnagerðargjöld en nú tíðkast. Vísað til borgarráðs og skipulagsnefndar þar sem tillagan fékk efnislega meðhöndlun.

18. apríl Bókun þar sem við fögnum því að Félag einstæðra foreldra sé veitt lán til húsakaupa en mótmælum því að féð sé tekið af þeim lið sem ætlaður sé til kaupa á leiguíbúðum borgarinnar.

Bókun gegn deiliskipulagi við Lágmúla þar sem við sáum engin rök fyrir því að ganga á þetta græna svæði. Töldum nær að skerma væntanleg umferðarmannvirki á svæðinu af með gróðri.

2. maí Ekkert

6. júní Bókun utan dagskrár þar sem segir að Kvennaframboðið hafi valið þennan fund til að mótmæla þeirri kvenímynd sem haldið er að konum, sérstyklega nú í kjölfar fegurðarsamkeppni. Forganga borgarstjóra í málínu forsenda aðgerðanna.

Bókanir. A þessum fundi voru gerðar ýmsar bókanir t.d. varðandi kaupin á landi Ölfusvatns í Grafningi, seturétt Kaupmannasamtakanna í skipulagsnefnd, hækjun á fargjöldum SVR o.fl. Voru þær allar í anda þeirrar kvenímyndar sem vikið er að í upphafsbókuninni.

20. júní Ekkert

4. júlí Bókun með öðrum úr minnihlutanum þar sem við lýstum okkur andvíg sölu Hafnarbúða.

Bókun þar sem við teljum 3ja milljón króna aukafjárveitinu til viðgerða á Íþróttavelli í Laugardal orka mjög tvímælis þó ekki sé aftur snúið.

Tillaga með öðrum úr minnihlutanum þar sem varað er við hugmyndum um nýja tegund einkaskóla á grunnskólastigi og lagt til að borgarstjórn taki ekki þátt í slíku frumhlaupi. 9 atkv, ekki stuðning.

Bókun þar sem við lýstum yfir skoðun okkar á stofnun einkaskóla. Teljum nær að huga í alvöru að skólamálum og bæta hinn almenna grunnskóla en að hoppa á patentlausnir s.s. einkaskóla.

Fyrirspurn um það hvort fyrirhugaðar séu einhverjar breytingar á rekstri Ráðningastofu Reykjavíkurborgar.

Tillaga í framhaldi af fyrirspurninni um að borgarstjórn láti fara fram endurskoðun á Ráðningastofunni sem beinist að því að hætta kyngreiningu, aðstoð við atvinnuleit og starfsþjálfun verði virkari, ungligar fái upplýsingar um vinnumarkaðinn. Vísað til stjórnar Ráðningastofu sem lagðist gegn þessu og taldi óþarf.

31. júlí Bókun með öðrum úr minnihlutanum þar sem við lýsum okkur andvíg sölu Hafnarbúða þar sem hún mun ekki á nokkurn máta leysa vanda aldraðra hjúkrunarsjúklinga nema síður sé.

19. sept. Bókun þar sem við lýsum yfir óánægju okkar með þá afstöðu stjórnar Ráðningastofu Reykjavíkur að telja ekki ástæðu til að endurskoða starfshætti stofunnar. Bera fyrir sig að reglugerð um vinnumiðlanir vanti en verið sé að vinna að henni í félagsmálaráðuneyti. Við lýstum því yfir að við myndum taka málið upp á nýjan leik að henni settri.

Tillaga um að hafin verði vinna við endurmat á launum kvenna hjá borginni. Við slíkt endurmat verði nýtt verðgildi starfa lagt til grundvallar (sjá nánar í Veru 7. tbl. 185) Vísað til borgarráðs.

Bókun þar sem við mótmæltum hækjun á fargjöldum SVR og bentum á að farþegum fækki jafnt og pétt. Vísuðum til tillagna okkar við gerð fjárhagsáætlunar sem miða að því að breyta þessu.

Tillaga með öðrum úr minnihlutanum um að ítreka umsókn um starfsléyfi fyrir heilsugæslustöð í Drápuhlíð og að stöður við hana verði auglýstar. Fyrri hlutinn samþykktur með 20 atkv. en seinni hlutinn fékk 9 atkv. og ekki stuðning.

Tillaga um að taka upp viðræður við eigendur Kveldúlfsskála um hugsanleg kaup á skálanum og láta fara fram hugmyndasamkeppni um nýtingu hans og fleiri mannvirkja við Skúlagötu sem hafa varðveislugildi. 8 atkv., ekki stuðning.

Bókun með öðrum úr minnihluta þar sem fagnað er endurbyggingu Skuggahverfis sem íbúðahverfis en jafnframt bent á helstu galla skipulagsins í 5 liðum.

Tillaga með öðrum úr minniljutanum um að gerð verði kostnaðar- og framkvæmdaáætlun um skipulag Skuggahverfis. Vísað til borgarráðs. Fór þaðan aftur til borgarstjórnar og var feldt þar 6. des.

3. okt. Ekkert

17. okt. Tillaga ásamt öðrum úr minnihlutanum um að Kennarafélag Reykjavíkur fái að tilnefna fulltrúa í hönnunarnefnd Vesturbæjarskóla. 9 atkv., ekki stuðning.

Bókun þar sem við mótmælum hvernig staðið var ða könnun um skólamál meðalforráðamanna barna í Vesturbæ og á Granda.

Viðaukatillaga við tillögu Alþýðubandalagsins um að hefja tilraun með lengri dyöl yngstu barna í skólum borgarinnar. Viðaukatillagan gengur út á hvernig skuli staðið að slíkri tilraun þannig að tryggt sé að ekki verði um geymslu að ræða. Vísað til fræðsluráðs.

Tillaga með konum úr minnihlutanum og Sigurði E. Guðmundssyni um að á þessu hausti verði gerðar þær öldur sem nefndar eru í bæklindi um umferðaaðstæður við skóla í Reykjavík og ekki hafa komið til framkvæmda. Vísað til borgarráðs með 12:8 (Við á móti)

7. nóv. Tillaga um að fresta niðurrifi steinbæjar að Bergstaðastræti 15 þar til ljóst er hvernig það samrýmist deiliskipulagi svæðisins. 9 atkv., ekki stuðning.

Bókun með öðrum úr minnihlutanum þar sem við lýsum okkur andvíg stofnun hlutafélags sem yfirtaki rekstur BÚR og Ísbjarnarins.

21. nóv. Tillaga um að borgharráði verði falið að gera nýja umsögn um tillögu okkar frá 19. sept um endurmat á launum kvenna. Vildum að tillagan fengi efnislega og málefnalega umfjöllun. Oskuðum eftir nafnakalli en fengum ekki. Tillagan hlaut aðeins 2 atkv.
Bókun þar sem við mótmælum umsögn embættismannanna og afstöðu allra í borgarstjórn til hennar.
Tillaga um að beina því til Alþingis að ákvæði um álganingu fasteignagjalda verði rýmkuð þennig að sveitarstjórnir geti veitt tekjulitlum hópum afslátt. Sþ. með 21 atkv.
5. des. Tillaga og bókun vegna bílastæðamála við nýtt hótel að Armúla 9. Töldum um of mikla tilslökun á bílastæðakröfum að ræða.
Bókun vegna 200 ára afmælisins þar sem við mótmælum fyrirsjáanlegum kostnaði í skrautsýningar. Hótuðum úrsögn úr afmælisnefndinni ef kostnaðurinn yrði staðfestur við gerð fjárhagsátlunar.
Bókun vegna borgarfulltrúatalsins þar sem brýnt er fyrir borgarfulltrúum að gæta jafnræðis milli kynja og telja börn með þar sem barnauppeldi sé ábyrgðarstarf.
Tillaga þess efnis að borgarstjórn treysti skólastjórum, kennurum og skólabókavörðum til að kaupa bækur til skólahaldsins. (Tilfnið bók um kynferðismál). 9 atkv, ekki stuðning.
- Tillaga um að selja hlutabréfin í Isfilm. Vísað til borgarráðs.
19. des. Utandagskrárumræða af okkar völdum vegna kynningarstarfs Hólmfríðar Karlsdóttur á vegum Reykjavíkur.
Tillaga um að borgin haldi til eignar og leigi út þær íbúðir sem byggðar voru sem söluíbúðir fyrir aldraða við Seljahlíðar. 2 atkv.
Varatillaga um að borgin haldi 50% íbúa í Seljahlíðum hlaut 3 atkv. og því heldur ekki stuðning.
- Bókun með Alþýðubandalaginu og Alþýðuflokknum þar sem mótmælt er hlutafjáraukningu í Isfilm úr 2 millj. í 8 millj. Jafnframt er því mótmælt að boigarstjóri gefi engar upplýsingar um fyrirtækið.
- Tillaga um að fasteignagjöld verði 0.5% af fasteignamati. 2 atkv.
- Bókun gegn 20% hækjun dagvistargjalda og bent á hvað hún þýði á ári samanborið við þá fasteignagjaldahækjun sem við lögðum til.
2. jan. Ekkert
16. jan. Bókun þar sem lýst er andstöðu við að borgin gerist aðili að samningi sem felur í sér kaup á rétti til nafns, titils og framkomu konu í auglýsingaskyni (Hólmfríður Karlsdóttir). Teljum slíkt

í andstöðu við jafnréttislögin.

Tillaga um að hætt verði við þessa samningsgerð og til vara að samningnum verði vísað til Jafnréttisnefndar. Aðaltillagan felld 14:7, varatillagan 8 atkv. og ekki stuðning.

Bókun þar sem ítrekuð er sú skoðun okkar að flugvöllurinn eigi að víkja úr borgarlandinu.

Tillaga um að fá óvilhalla aðila til að meta þá hættu sem er samfara rekstri flugvallar í Vatnsmýrinni. 6 atkv, ekki stuðning.

Bókun og tillögur vegna fjárhagsáætlunar fyrir árið 1986. Alls voru tillögurnar 61, sumar stórar í sniðum en aðrar minni. Þar af voru ályktunartillögur 33 talsins. Eru þær allar bókaðar inn í fundargerð borgarráðs frá 14. jan.

6. feb. Tillaga með öðrum úr minnihlutanum um að deiliskipulag Skuggahverfis verði frestað þar til byggingarskilmálar hafa verið gerðir og kynntir íbúum. 9 atkv., ekki stuðning.

Bókun með öðrum úr minnihlutanum vegna þeirra athugasemda frá íbúum sem bárust við skipulag Skuggahverfis. Töldum flestar athugasemdirnar samhljóða þeirri gagnrýni á skipulagið sem við höfum fært fram.

Bókun þar sem við mótmæltum hækjun á vistgjöldum á Dalbraut 21-27 þar sem þær haldast ekki í hendur við hækjun tryggingabóta. Hafa þ.a.l. í för með sér að íbúarnir hafa minna ráðstöfunarfé handa á milli.

20. feb. Tillaga um að fallið verði frá úthlutun lóðar undri hótel á Sigtúnsreit. Til vara að fengin verði umsögn Borgarskipulags um málið. Tillagan fékk 2 atkv. og varatillagan 6 atkv. og því hvorug stuðning.

Tillaga með öðrum úr minnihlutanum um að skipuð verði nefnd úr félagsmálaráði og umhverfismálaráði til að fara með þær 5 millj. sem áætlaðar eru til að endurnýja leiktæki á leikvöllum borgarinnar. 9 atkv., ekki stuðning.

Bókun vegna kaupa borgarsjóðs á húseinginni Sigtún 9 í samvinnu við Bridgesamband Íslands. Mótmæltum því hvernig staðið var að málum og bentum á að ekki væri gert ráð fyrir þessu á fjárhagsáætlun.